

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 Pr 488946 25 Pr
Tuzla, 23.04.2026. godine.

Općinski sud u Tuzli, po sudiji Sabini Spahić, rješavajući u prekršajnom predmetu protiv okrivljenog G.A., sina O., iz T., zbog prekršaja iz čl. 2 i 4 kažnjivo po članu 52 stav 3 u vezi stava 1 tačka a) Zakona o fiskalnim sistemima, a po zahtjevu za sudske odlučivanje po prekršajnom nalogu br. 1104726627 od 27.05.2025.g. izdat od Kantonalnog poreznog ureda Tuzla Odsjeka za inspekcijski nadzor, a na osnovu člana 15. člana 72 stav 1 i 2 tačka 3, člana 73. i 74. i 79. Zakona o prekršajima Federacije Bosne i Hercegovine ("Sl. novine Federacije BiH", broj: 63/14.), nakon održanog usmenog pretresa dana 23.04.2026.godine donio je i javno objavio sljedeće

RJEŠENJE

OKRIVLJENI

G. A., sin O., rođen godine, nastanjen ul., državljanin BiH, Bošnjak, sa završenom SSS, po zanimanju mašinski tehničar, zaposlen, izdržava se od ličnog rada, neoženjen, bez djece, nekažnjavan, JMB:

Odgovoran je

Što je dana 22.05.2025.godine u G. ulica inspekcijskim nadzorom od strane Federalnih poreznih inspektora Porezne uprave F BiH Kantonalnog poreznog ureda Tuzla izvršenim kod poreznog obveznika G.A. vl. utvrđeno da nije putem svog fiskalnog uređaja IBFU: AG013020 evidentirao svaki pojedinačno ostvareni promet jer je u kasi zatečen i izbrojan gotovog novca u iznosu od 213,00 KM dok je prema dnevnom izvješću na dan 22.02.2025. godine u 15,17 sati promet iznosio 268,00 KM tako da razlika između navedenog u iznosu od 55,00 KM predstavlja manjak gotovog novca, odnosno iznos prometa koji nije evidentiran putem uređaja (izlaz novca iz kase cash out)

Čime je G. A. kao. vl. počinio prekršaj iz člana 4, kažnjivo po čl. 52 stav 1 i 3 tačka "a" Zakona o fiskalnim sistemima F BiH

Pa mu Sud primjenom navedenih zakonskih propisa člana , 22 .stav 1. i 2, tačka 1, člana 22, stav 3, čl. 25 Zakona o prekršajima Federacije BiH

IZRIČE

UVJETNA OSUDA

Kojom se G. A. kao. vl. utvrđuje novčana kazna u iznosu od 3.000,00 KM, a koja se neće izvršiti ukoliko okrivljeni u roku od 6 mjeseci od dana pravosnažnosti ovog rješenja ne izvrši novi ili isti prekršaj.

Prekršajni nalog broj 1104726627 od 27.05.2025.g. izdat od Kantonalnog poreznog ureda Tuzla Odsjeka za inspekcijski nadzor protiv G. A. se stavlja van snage.

U skladu sa članom 55. stav 3. tačka 3. Zakona o krivičnom postupku Federacije BiH, a u skladu sa članom 199. Zakona o krivičnom postupku Federacije BiH a u vezi sa članom 18. stav 2. Zakona o prekršajima Federacije BiH i članom 35. Pravilnika o naknadi troškova u sudskim postupcima ("Sl. novine TK-a", broj: 5/00), okrivljeni je dužan nadoknaditi **troškove prekršajnog postupka u iznosu od 50,00 KM (pedeset)** u roku od 15 dana od dana pravosnažnosti ovog rješenja .

Ukoliko okrivljeni ne plati troškove postupka , isti će se naplatiti u skladu sa članom 102. do 105. Zakona o prekršajima Federacije BiH ("Sl. novine Federacije BiH", broj: 63/14).

O b r a z l o ž e n j e

G. A. blagovremeno je podnio ovom sudu zahtjev za sudsko odlučivanje po prekršajnom nalogu broj: od 27.05.2025.g. izdat od Kantonalnog poreznog ureda Tuzla Odsjeka za inspeksijski nadzor, zbog prekršaja iz čl. 4, kažnjivo po čl. 52 stav 1 I 3 tačka "a" Zakona o fiskalnim sistemima F BiH pobliže opisan kao u izreci ovog rješenja.

Na usmeni javni pretres održan pred ovim Sudom dana 23.04.2026. godine u 13,00 sati , po zahtjevu okrivljenog za sudsko odlučivanje u smislu čl. 65 stav 3 . ZOP-a F BiH Sud je konstatovao da je na isti pristupio ovlašteni predstavnik ovlaštenog organa P. A., po generalnoj punomoći i okrivljeni G. A.

Okrivljeni G. A. prihvatajući odgovornost za prekršaj koji mu se prekršajnim nalogom stavlja na teret naveo je da je vl. te da su tačne sve činjenice navedene u prekršajnom nalogu utvrđene od strane inspektora, ali da je promet kroz fiskalni uređaj sav prikazan gdje je samo došlo do izlaza gotovog novca iz kase u iznosu od 55,00 KM zbog kupovine određenih artikala potrebnih za ugostiteljski objekat. Do sada nije kažnjavan za iste ili slične prekršaje te je molio sud da mu izrečenu novčanu kaznu po prekršajnom nalogu umani jer smatra da je previsoko određena.

Ovlašteni predstavnik ovlaštenog organa ostao je u cijelosti kod izdatog prekršajnog naloga protiv okrivljenog, a obzirom da je okrivljeni prihvatio odgovornost za prekršaj za koji se tereti prema izdatom prekršajnom nalogu nije predlagao izvođenje dokaza u cilju utvrđivanja činjeničnog stanja, te je u spis priložio materijalne dokaze: Nalog br. 13-3-02-12-20-369/25 od 22.02.2025. godine Zapisnik o inspeksijskom nadzoru br. 13-3-02-12-20-369-1/25 od 22.02.2025. godine Presjek stanja fiskalnog uređaja IBFU: AG013020 od 20.02.2025. godine u 15,17 sati sa popisom gotovine svojeručno potpisano od zatečenog lica i sa pečatom poreznog obveznika, te da se okrivljeni oglasi odgovornim i kazni u skladu sa Zakonom.

Kako je okrivljeni prihvatio odgovornost za prekršaj koji mu se stavlja na teret, a što je sud utvrdio i u materijalne dokaze priložene od strane ovlaštenog predstavnika ovlaštenog organa, ovo rješenje u skladu sa odredbama čl. 69 stav 1. Zakona o prekršajima Federacije Bosne i Hercegovine, ne sadrži obrazloženje u dijelu koji se odnosi na utvrđivanje činjeničnog stanja.

Sud je prilikom odlučivanja o vrsti i visini sankcije cijenio sve okolnosti iz člana 22 stav 3 Zakona o prekršajima FBiH, te od otežavajućih okolnosti cijenio samu težinu prekršaja, a od olakšavajućih okolnosti činjenicu da je okrivljeni prihvatio odgovornost za prekršaj i time doprinjeo bržem i ekonomičnijem okončanju sudskog postupka, da nije bilo namjere u činjenju prekršaja, da se radilo o manjku gotovog novca u kasi, te da isti nije kažnjavan za prekršaje iz

oblasti Zakona o fiskalnim sistemima, što je sud utvrdio iz uvida u pretrage izrečenih novčanih kazni i zaštitnih mjera od 23.04.2026.godine, te porodične i materijalne prilike okrivljenog, te je istom za prekršaj za koji ga je oglasio odgovornim kao u izreci ovog rješenja izrekao minimalnu novčanu kaznu u iznosu od 3.000,00 KM i istovremeno odredio da se izrečena novčana kazna uz primjenu člana 25. Zakona o prekršajima FBIH, neće izvršiti ukoliko okrivljeni u roku od 6 (šest) mjeseci od dana pravosnažnosti ovog rješenja ne počini novi prekršaj, jer bi se u tom slučaju primjenom čl. 26 Zakona o prekršajima FBIH opozvala uvjetna osuda i izvršila utvrđena novčana kazna.

Donošenjem ovog rješenja prekršajni nalog broj od 27.05.2025.g. izdat od Kantonalnog poreznog ureda Tuzla Odsjeka za inspekcijski nadzor protiv G. A. se stavlja van snage.

Odluku o troškovima prekršajnog postupka, Sud je donio u skladu sa članom 53.stav 3 tačka 3 Zakona o prekršajima Federacije BiH, a u skladu sa članom 199 Zakona o krivičnom postupku Federacije BiH, a u vezi sa članom 18 stav 2 Zakona o prekršajima Federacije BiH i članom 35. Pravilnika o naknadi troškova u sudskim postupcima ("Sl. novine TK-a", broj: 5/00), čija je visina srazmjerna složenosti i dužini trajanja prekršajnog postupka.

POUKA O PRAVNOM LIJEKU: Protiv ovog rješenja može se izjaviti žalba u roku od 15 dana od dana prijema rješenja. Žalba se predaje ovom sudu u dovoljnom broju primjeraka. O žalbi odlučuje Kantonalni sud Tuzla.

S U D I J A
Sabina Spahić